

Bebaki babidi

Fumu Yesu amba'shi : « Byabya muntu oso apusha ano ande mayi, na eatumikila, nanamupwandikishe na muntu mudimukye bayibakile shibo yaye kunundu kwa lubwebwe ; na mpeshi pabanokyele, na myeeshi ibafikile, na mpunga yibapukile, yibekupiile ku yaya shibo ; anka tangipone ; mwanda kibangilo kyayo kibaadi kibakiibwe pa lubwebwe. Na muntu oso apusha ano ande mayi, na sheafubila, ana pwandjikishibwe bu shina kinangu bayibakile shibo yaye pa lusenga ; na mpeshi banokyele, na myeeshi ibafikile, na mpunga yibapukile, na yibakupiile ku yaya shibo, na yibapoone, na kupona kwayo kubaadi kukata ».

(Mateo 7 : 24-27)

Muntu sha kinangu atuula lukumiino lwaye pa kibangilo ki bukopo

« Mwanda takwi muntu a kutuula kingi kibangilo kushii kyakya kibatuudilwe, kyakya kikale Yesu Kilisto. Bu byanudi batambule Kilisto Yesu, Fumu, tambukaayi mwadi bashine mishi na bebakiibwe mwadi, na bakankamane mu lukumiino, muyile bibanudi balambukishiibwe, mu kukalabala mwanka na lutumbu ».

(1 Bena Kolente 3 :11 ; Bena Kolose 2 :6,7)

« Dimukangaayi bwa kutambuka kalolo kushii bu bantu bashii na binangu, anka bu bantu beena bukalabwino ; pa kukii kipindji, kitaayi bii buwa mwanda mafuku ee bubi ».

(Bena Efeso 5 : 15,16)

« Anka kibangilo ky'Efile-Mukulu akishadidiila pe poo, kiina kino kitampi : Fumu awuku baba bebu baye, na yawa oso atemuna eshina dya Fumu, akatukye ku bubi ».

(2 Timote 2 : 19)

© C.E.R.S. - B.P. 1673 Kananga
République Démocratique Du Congo
Email: 33eme.cers.lit@gmail.com

<http://www.33eme-cers.org/>

BAFUMU BABIDI



BAFUMU BABIDI

Fumu Yesu akula'shi : « Ami ne mulami a mikooko ebuwa. Na mulami ebuwa apanaa muwa waye bwa mikooko. Mikooko yande ayipusha eyi dyande, n'ami neyishinguula, ayo namu ayindondo, n'ami neyipa muwa wa yikalayika, tayanafwe nya ; na muntu tebya kwiyyinyenga mu eyasa dyande ».

(Yoano 10 : 11,27,28)

Fumu ebubi

Satana fumu a senga (Yoano 14 :30) adimbi bantu « mwabadi'bo efile a ano mafuku mupuute binangu bya bakoposhe mashimba, mwanda wa'shi etaata dya mukandu wi buwa wa ntumbo ya Kilisto mwikale kifwani ki'Efile-Mukulu tadimunika [kwabadi] nya ».

(2 Bena Kolente 4 :4)

Sangulaayi lelo yawa anukyebe kufubila

« Takwi muntu awuku kufubila bafumu babidi, mwanda, akashikwa umune akumiine mungi, suunga'shi akalamata kwi umune akapeeshe mungi . Tanwi byakufubila Efile-Mukulu na Mano ».

(Mateo 6 : 24)

Yoshwa alungula bena Isalele'shi : « Su tanukumiina kufubila mwanana , byabya, sangulayi lelo yawa anukyebe kufubila, su bamba babaadi abafubila bankambwa benu adyaa eshiya dya mwela, su mba bena Amole ba mu dino eumbo dyanudi bashaale. Ami na shibo yande, atukafubila mwanana ».

(Yoshwa 24 :15)

Eshina dyobe difundjibwe mwiwulu su ?

« Kwi muloo kumpala kwa bamwikewulu b'Efile-Mukulu pa mwanda wa mukitshi a bubi umune belanga ».

(Luuka 15 : 10)

Fumu Yesu alungula Beeyi baye : « Anka nenusepeelee mwanda ubafundjibwa mashina enu mwiwulu »

(Luuka 10 :20)

« Na tamukatweele kintu kyoso ki mako nya, suunga yawa akitshi bubi na madimi : anka penda baba basha mashina afundwe mu mukanda wa muwa wa mwana a mikooko ».

(Kileseso 21 : 27)

Mashinda abidi

« Nutwele mu kibelo kikoto ; mwanda wi kibelo kikata, n'eshinda di museese dya kwenda ku lufu, na bantu be bungi abatwelela kwanka ; mwanda wi kibelo kikoto n'eshinda dipeela dya kwenda ku muwa, na bantu bapeela ngi abeditundula ».

(Mateo 7 : 13 ,14)

« Kwi dingi Eshinda adimweka bu di buwa kulonda, byoso'bi, ku nfudiilo kwadyo nyi ndufu ».

(Nkidji 16 : 25)

Atwe booso tubadi balube anka bu mikooko.

« Atwe booso tubaumbakananga anka bu mikooko ilube eshinda, muntu oso badi olondo dyaye eshinda ; anka mwanana bamusumbwidiile bushito bwa bubi bwetu [Yesu] ».

(Esaya 53 : 6)

« Mukitshi a bi bubi alekye kwibikita, mantu mbi alekye binangu byaye bishi buwa ; aye alukile kwi mwanana, n'aye namu akamufwila lusa, kwi'Efile-Mukulu etu sha kulekyela kwa bubi ».

(Esaya 55 : 7)

Fumu Yesu nabene nyi eshinda

Pabaadi fumu yesu taadi pepi na kukatuka beeyi baye na kwenda ku kuluse na ku lufu, bebalungwile shi : « Eshimba dyenu taditshinkishibwanga ; anukumiina Efile-Mukulu, kuminayi namu mwandji'mi. N'anwe anuwuku kwakwa kwanyende, na anushingula eshinda dya kwanka. Tomase bamulungwile'shi : Fumu, tatuwuuku kwini kwende nya ; a byabya atuwuku eshinda dyako bikuni ? Yesu bamulungwile'shi : Ami n'eshinda, n'eyendo, na muwa ; takwi muntu afiki kwi Yaya kushii kukiila kwandji'mi ».

(Yoano 14 :1,4-6)

« Takwi kipandjilo mu ungi muntu ; mwanda namu takwi dingi eshina muushi mw'ewulu, dipeebe munkatshi mwa bantu, byatudya kwikala bapashiibwe kwadidi ».

(Mikitshino 4 :12)

« Mwanda Efile-Mukulu ngumune na mwakwidi pankatshi Efile-Mukulu na bantu ngumune, muntu Kilisto Yesu, bepene aye nabeene bu mulambu pa mwanda wa booso ».

(1 Timote 2 : 5-6)